



yakut.

кытта бииргэ туран кэлэн, кинини буруйдуохтара: кинилэр Иона ынгыраарын истэн аныгыларын билиммитгэрэ, оттон манна Ионатааҕар улахан баар. ⁴² Соҕуруунгу сарыысса эмиэ, Дьүүл Күнүгэр бу көлүөнэ дьонун кытта бииргэ туран кэлэн, кинилэри буруйдуоҕа: кини Соломон муударай тылын-өһүн истээри, сир уһугуттан кэлэ сылдыбыта, оттон манна Соломоннааҕар улахан баар.

⁴³ Быртах тыын киһиттэн тахсан баран, уоскулангы көрдөөн, кураайы сирдэри кэрийэр эрэри, уоскулангы булбат; ⁴⁴ ол иһин: „Тахсан барбыт дьиэбэр төннүүһүбүн“, — диир уонна төннөн кэлэн, онно ким да киирэ илигин, дьиэ ып-ыраастык харбаммытын, хомуллубутун көрөр; ⁴⁵ онон баран бэйэтинээҕэр өссө кырыктаах сэттэ атын тыыны аҕалан, кинилэри кытта бииргэ киирэн онно олохсуйар; дьэ оччоҕо ол киһи уруккутунааҕар өссө ордук иэдэйэр. Бу хара санаалаах көлүөнэҕэ эмиэ оннук буолуоҕа».

Иисус Христос Ийэтэ уонна бырааттара

⁴⁶ Иисус мустубут дьону кытта кэпсэтэ олоодоһуна, Ийэтэ уонна бырааттара* кэлэннэр, Кинини кытары кэпсэтиэхтэрин баҕаран, таһырдыа турбуттара.

⁴⁷ «Ийэн уонна бырааттарын кэллилэр, Эйигинниин кэпсэтиэхтэрин баҕаран, таһырдыа тураллар», — диэбитэ ким эрэ.

«⁴⁸ Кимий Мин Ийэм, кимнээҕий Мин бырааттарым? — диэбитэ Кини ол киһиэхэ, ⁴⁹ итиэннэ үөрэнээччилэрин диэки ыйан баран эппитэ: — Мин Ийэм уонна Мин бырааттарым бу бааллар; ⁵⁰ ким Мин Халлааннааҕы Аҕам көңүлүн толорор — ол Миэхэ быраатым, балтым уонна Ийэм буолар».

Бурдук ыһааччы туһунан домох

13 Ол күн Иисус дьыэттэн тахсан муора кытылыгар киирэн олобута. ² Үтүмэн үгүс киһи үмүөрүспүтүн иһин, Кини ончоҕо киирбитэ, оттон дьон барыта кытылга турбута. ³ Иисус кинилэри домоһунан элбэххэ үөрэппитэ: «Арай биир киһи бурдук ыһа тахсыбыт. ⁴ Бурдугун ыһа сырыттаҕына, сорох сиэмэтэ

* 12:46 *Бырааттара* — «аделфой» (грек.) диэн хомуур суолталаах тыл: убаһа-быраата араарыллыбат, хайалара да буолуон сөп.

суолга түспүт, ону көтөрдөр көтөн кэлэн, тонсуйан сиэн кэбиспиттэр; ⁵ сороџо таастаах сиргэ түһэн, буора чараас буолан, сонно тута үүнэн тахсыбыт, ол эрэри ⁶ күн тахсыбытыгар, бөџө силиһэ суох буолан, иинэн-хатан хаалбыт; ⁷ сорох сиэмэтэ хатыылаах эрбэһин ортотугар түспүт, онон эрбэһин өрө үүнэн тахсан, ону тумнаран кэбиспит; ⁸ оттон атын сиэмэтэ, өң сиргэ түһэн, сороџо сүүс төгүл, сороџо алта уон, сороџо отут төгүл өлгөм үүнүүнү биэрбит. ⁹ Ким истэр кулгаахтаах истиэхтин!»

¹⁰ Үөрэнээччилэрэ кэлэннэр, Иисустан: «Эн тоџо кинилэргэ домоџунан кэпсиигиний?» — диэн ыйышпыттара.

¹¹ Иисус эппитэ: «Эһиэхэ Халлаан Саарыстыбатын кистэлэн-нэрин билэр кыах бэриллиттэ, оттон кинилэргэ бэриллиттэ. ¹² Баардаахха — өссө бэриллэџэ, оттон туга да суохтан — баара даџаны былдыаняџа. ¹³ Кинилэр көрөр эрэри көрбөттөр, истэр эрэри истибэттэр да, өйдөөбөттөр да, ол иһин Мин кинилэргэ домоџунан кэпсиибин. ¹⁴ Онон Исаяя пророк бу дьон туһунан эппитэ туолан эрэр: „Кулгааххытыгар иһиллибити — истиэххит суоџа, хараххытыгар көстүбүтү — көрүүххүт суоџа. Бу дьон сүрэџин сыа бүрүйбүт, ¹⁵ кулгаахтарынан да истибэттэр, харахтарын да быһа симпиттэр. Оннук буолбатаџа эбитэ буоллар, харахтарынан көрөн, кулгаахтарынан истэн, сүрэхтэринэн өйдөөн, Миэхэ эргиллиэ этилэр, оччоџо Мин кинилэри үтүөрдүөм этэ“.

¹⁶ Оттон эһиги, хараххыт көрөр, кулгааххыт истэр буолан, алгыстааххыт. ¹⁷ Кырдьыгы эһиэхэ этэбин: үгүс пророктар уонна сибэтиэйдэр эһиги көрөргүтүн көрүүхтэрин баџарбыттара да, көрбөтөхтөрө, эһиги истэргитин истиэхтэрин баџарбыттара да, истибэтэхтэрэ.

¹⁸ Аны билигин бурдук ыһааччы туһунан домох суолтатын истин: ¹⁹ ким эмэ Саарыстыба туһунан истэн баран өйдөөбөт буоллаџына, киниэхэ хара дьайдаах кэлэн, кини сүрэџэр ыһылыбыт сиэмэни уоран илдьэ барар. Ол — суолга ыһылыбыт сиэмэ. ²⁰ Оттон таастаах сиргэ ыһылыбыт сиэмэ — этиллибит тылы истээт да, үөрүүнэн ылынааччыны көрдөрөр; ²¹ ол эрэри кини иһигэр силиһэ суох буолан өр тулуспат: кыһалџа кыһарыйдаџына, эбэтэр сойуолааһын саџаланнаџына, сонно тута итэџэлин сүтэрэн кэбиһэр. ²² Оттон эрбэһин быыһыгар

Алта бэчээт

6 Онтон көрбүтүм Агнец сэтгэ бэчээттэн бастакытын төлөрүтэн ылбыта, онуоха түөрт харамайтан биирдэстэрэ сүллэр этин куолаһынан: «Кэлэнгин көр!»* — диир сангата иһилибитэ. ² Көрбүтүм — арай үүт манган ат кэлэн турара; ону миинэн олорооччу ох саалааҕа, киниэхэ төбөтүгэр мэнньиэс кэтэрипиттэрэ, онон кини кыайыылаах-хотуулаах сиэринэн өссө да кыайардыы-хотордуу тахсан барбыта.

³ Онтон иккис бэчээти төлөрүппүтүгэр иккис харамай: «Кэлэнгин көр!» — диэн ынырар сангатын истибитим. ⁴ Онуоха кугас ат тахсан кэлбитэ; ол аты миинэн олорооччуга сиртэн эйэни мэлитэн ылар, дьону-сэргэни бэйэ-бэйэлэрин сэймэктэһиннэрэр көңүл бэриллибитэ, илиитигэр сүүнэ улахан саабылаан батас туттарыллыбыта.

⁵ Онтон үһүс бэчээти төлөрүппүтүгэр үһүс харамай: «Кэлэнгин көр!» — диир сангатын истибитим. Көрбүтүм — арай хара ат турара; ол аты миинэн олорооччу илиитигэр ыйааһын биэтэһини сылдыра. ⁶ Иһиттэхпинэ, түөрт харамай быһыһыттан: «Биир динарийга — мээрэй эрэ сэлиэһинэй, биир динарийга — үс мээрэй эрэ дьэһимиэн. Олива арыытын уонна виноград арыгытын көбүрэтимэн», — диир санга иһилибитэ.

⁷ Онтон төрдүс бэчээти төлөрүппүтүгэр төрдүс харамай: «Кэлэнгин көр!» — диир сангатын истибитим. ⁸ Көрбүтүм — арай күөх буурул ат турара, аты миинэн олорооччу аата «Өлөр Өлүү» диэн этэ, кинини аад батыһан иһэрэ; киниэхэ сир үрдүн түөрт гыммыттан биирин батаһынан кырган, суту сатыылатан, өлүүлээх сутулу туруоран, сир үрдүгэр баар адьырҕа кыылынан кыдыйтаран имири эһэр кыах бэриллибитэ.

⁹ Онтон бэһис бэчээти төлөрүппүтүгэр сиэртибэнньик анныгар баар дьон дууһаларын көрбүтүм. Ол — Таһара тылын биллэрбиттэрин, туоһулаабыттарынын иһин, өлөрүллүбүт дьон дууһалара этэ. ¹⁰ Кинилэр: «Оо, Сибэтиэй, Кырдыктаах Улуу Баһылык, хаһаанга диэри бу сир үрдүгэр олорооччулары дьүүлээбэккин, биһиги хааммытын иэстэспэккин?» — диэн үөгүлэхэр саналара

* 6:1, 3, 5, 7 *Кэлэнгин көр!* — сорох былыргы гректии илиинэн суруйууга «Кэл!»

¹³ Онтон көрдөхтүнэ, халлаан хабайар хаба ортотунан биир Аанньал* көтөн иһэн: «Субу турбатын үрүөхтээх үс атын Аанньал турбата тыаһаатагына, сир үрдүгэр олорооччуларга сор-мун, сор-мун, сор-мун буолуо!» — диэн санаран сатарыппыта.

Бэһис турба

9 Бэһис Аанньал турбатын үрбүтүгэр көрбүтүм, арай халлаантан сиргэ сулус түспүтэ, бу сулуска түгэҕэ биллибэт диринг анхай айағын аһар күлүүс тыла бэриллибитэ. ² Кини анхай айағын аспытыгар ол иһиттэн, сүүнэ оһохтон тахсар курдук, өһөх буруо өрө оргуйбута; күн будулуйа өһөн, салгын ыыс-быдаан буруо буолан хаалбыта. ³ Күдэрик быһыһыттан сиргэ саранча үөрө өрө анньан тахсыбыта; бу саранчаҕа сир үрдүгэр баар сүлүһүннээх ооҕуй курдук киһини тигэр кыах бэриллибитэ. ⁴ Сир үрдүгэр үүнэн турар хайа да оту, үүнээйини, ханнык да маһы буортулаама, арай сүүһүгэр Танара бэчээтэ суох дьону эрэ эмсэҕэлэт диэн саранчаҕа этиллибитэ. ⁵ Онон дьону өлөрбөккө эрэ, биэс ый устата сордуур-муннуур кыах киниэхэ бэриллибитэ; оннук сордоотоҕуна, киһи, сүлүһүннээх ооҕуй тиктэҕинэ, эрэйдэнэрин курдук, эрэйдэнэрэ. ⁶ Ол күннэргэ дьон өлөр өлүүнү көрдүөхтөрө да, кыайан булуохтара суоҕа, өлүөхтэрин баҕарыахтара да, өлөр өлүү кинилэртэн куота көтөн биэриэҕэ.

⁷ Көстөр көрүнгүнэн саранча кыргыһыыга киирээри бэлэм турар сылгы курдуга; баһыгар кыһыл көмүскэ маарынныыр хооруналаахха дылыта, киһи сирэйин курдук сирэйдээҕэ, ⁸ дьахтар баттағын курдук баттахтааҕа, тийһэ хахай тийһин курдуга. ⁹ Тимир куйағы санатар түөс куйахтааҕа, кынатын тыаһа сэриигэ көтүтэн иһэр үтүмэн үтүс аттар холбоммут колесницаларын тыаһын курдук тип-тилигирэс этэ; ¹⁰ сүлүһүннээх ооҕуй курдук кутуруктааҕа, кутуругун уһугар иннэлээҕэ; ол иннэтинэн дьону тигэн биэс ыйы быһа эмсэҕэлэтэр күүстээҕэ. ¹¹ Бу саранча түгэҕэ биллибэт анхай аанньала баһылыктааҕа; ол аанньал аата еврейдии — Аваддон, оттон гректии — Аполлион**.

¹² Биир иэдээн ити курдук кэлэн ааспыта; көр бу, тилэх баттаһа өссө икки атын иэдээн иһэрэ.

* 8:13 *Аанньал* — сорох былыргы гректии илиинэн суруйууга «хотой».

** 9:11 *Аваддон* — «аллараа дойдуга баһылыта». *Аполлион* — «өлөрүүхсүт».